

ACARA PERAYAAN IBADAH PASSION/ PRA PASKAH GABUNGAN

SEKOLAH MINGGU, REMAJA NAPOSO, AMA, INA, LANSIA

HKBP BERINGIN INDAH

SABTU 30 MARET 2024

**TEMA: Pardengganbasa do Jahowa mida angka na marhaposan tu
Ibana, mida tondi ni na mangalului Ibana (Andung 3 : 25)**

I. PROSESI (Parhobas borhat sian konsistori, songleader mangendehon BE No 769 : 1)

II. IBADAH

01. Martangiang na hohom/ Saat teduh

02. Marende BE No. 88: 1+ 4 “Di Surgo do Alealenta”

- *Jesuskul naung manobus ahu sai naeng haholonganku Ho. Tu dolok Golgatha Ho laho nionjar ni holongMu do. Hupuji nasa asiMi alai gumodang holongMi.*
- *Bagas uhirhon tu rohanku panghophopMi humophop au; tusi ma togu pingkiranku guru di Ho sambing ma au. Hupuji nasa asiMi alai gumodang holongMi.*

03. Votum/Introitus/Tangiang

L: Marhitehite goar ni Debata Ama dohot goar ni AnakNa Tuhan Yesus Kristus dohot goar ni Tondi Parbadia na tumompa langit dohot tano.

H: Amen!

L: Na gabe pangoloi do Kristus paima mate, pola tung mate tarsilang. Di dia angka soropmi, ale hamatean? Di dia pangagoonmu, ale banua toru?

H: Haleluya!

L: Martangiang ma hita. Ale Tuhan Yesus Kristus Tuhan Sipangolu hami, ndang tarasam balga ni holong ni rohaM jala ndang tardodo godang ni asi ni rohaM di ngolunami; nunga pola mate tarsilang Ho laho manghophop hami jolma pardosa, diseahon Ho do hosaM bahen tobus ni dosanami. Laos ido na naeng huhatindanghon hami di borngin on marhite Perayaan ibadah passion, Pra Paskah gabungan on, anggiat lam uhir tu rohanami

arga ni panghophoponMi, asa lam burju hami mangoloi Ho di ngolunami jala margogo hami mangalo nasa roha sibuk dohot hisap hisap ni rohanami. Antong ale Jesus sai jalo ma perayaan Pra paskah nami on gabe hamauliateon ni rohanami tu joloM, tung Ho ma na marsangap marhite sude partording ni ulaonnami di borngin on.

S: Amen!

04. Marende BE 769 : 1- 2 “ Tu Debata do Panghirimon

- 1. Tu Debata do panghirimonhi, di tano laut nang awang awang i. Ibana do Haposanhi, tongtong do diramoti langkangki. Torop pe mara manahopi au, Debatanghi do sumarihon au. Pos rohangki sonang do au, Ibana do na mandongani au.*
- 2. Amporik i nang bungabunga i, ro di sude na tinompaNa i, Na metmet nang na balga i, Ibana do na marmuduhon i. Torop pe mara.....du*

05. Manjaha hata ni Debata sian Epesus 2: 4-8

L: Alai anggo Debata parasiroha bolon do jala parholong ni roha na balga maradophon hita.

H: Jala raphon Kristus do dipangolu Ibana hita angka naung mate di bagasan angka pangalaosion; na sian asi ni roha do, umbahen na malua hamu.

L: Gabe rap dipangolu jala dipabangkit hita tu gomgoman banua ginjang, di bagasan Kristus Jesus.

H: Laos patuduhononNa do di angka tingki na naeng ro dope surung ni hamoraon ni asi ni rohaNa, di habasaonNa i maradophon hita, di bagasan Kristus Jesus.

L: Ai sian asi ni roha do umbahen na malua hamu, dalam haporseaon; jala ndada binahenmuna, silehonlehon ni Debata do. I ma sahatna. Martua do angka natumangihon hata ni Debata jala na umpeopsa.

S: Amen!

06. Marende BE No. 86: 1-2 “Silang na Badia i”

- *Silang na badia i, ho do lombulombungki. Maralohon dosa i dohot pandelea i. Di sude sitaonon i, ho ma lombulombungki.*
- *Nasa na huulai ndang tau hasonanganhi. Nang ringkot pe rohangki, pola ro nang ilungki. Holan asi ni rohaM pangurupi o Tuhan.*

07. Liturgi I, Utusan Sekolah Minggu

08. Koor Pungan Ina Solagracia

09. Liturgi II, Utusan Remaja

10. Marende BE No. 443: 1 “Dung Tuhan Jesus Nampuna Au”

- Dung Tuhan Jesus nampuna au songgop dameNa biarhu lao taripar gogo ngoluNa i nasa dosangu naung sae do i. Tabaritahon holongNa i di dia Tuhan tudoshon i tuk manumpahi tarlobi da sasada Jesus pinuji ma.

11. Liturgi III, Utusan Naposobulung

12. Koor : Pungan Ama Galilea

13. Liturgi IV, Utusan Ina

14. Puisi Sekolah Minggu : Eunike dan Joas

15. Koor Punguan Naposobulung

16. Liturgi V, Utusan Ama

17. Marende BE No. 809: 2 “Molo Saut ma ho”

- *Molo saut ma ho borhat tu na dao, holan Jesus baen donganmi. Togu on Na ho, ramotanna ho, sai tiur sude na langkami. Nang landit porhot sidalananmi, nang hansit ngotngot rohami. Nandang boi ganggu ho, ndang boi lilu ho, molo Jesus mandongani ho.*
- *Di na loja ho, nang holsoan ho, Jesus ma tongtong donganmi. UrupanNa ho, apulanNa ho, sonang ho tongtong di dalanmi. Nang dao tahe situjuonmi, dang maol ho tolhas tusi, Dipaima ho, tomuonNa ho, tung sonang do di lambungNa ho.*

18. Liturgi VI, Utusan Lansia

19. Koor Punguan Ina Debora

20. Liturgi VII, Utusan Parhalado

21. Koor Punguan Ina Misericordias

22. Marende BE No.686: 1 “Ramun do au di JoloMi”

- *Ramun do au di joloMi, gok dosangki urupi au. O Jesus biru biru i dison do au patau ma au.*
- *Na ro do au tu joloMi, gale do au, urupi au. O Jesus ala mudarMi, dison do au, patau ma au*

23. Koor Punguan Ama Jerusalem

24. Pragmen : Naposobulung

25. Marende BE No. 83: 3 “Na Lao do Biru biru i”

- Na olo au ale Amang sian sandok rohangku pasauthon lomo ni rohaM, rohaM sambing do guru. O holong ni rohaNa i tung aha do tudosanMi, na songon Ho margogo. Dilehon Debata hape AnakNa lao manaon sude sitaonon ni na mago.

26. Jamita

27. Marende BE No 622: 1----“Mansai Nalnai” (Pasahathon Pelean)

- Mansai nalnai di angka partingkian sinondang ni silangMu Tuhanki sian hatiuron na marsinondang holongNa na so halompoan i. Reff: Sudena bangso do marpanghirimon tu sondang ni asi ni roha i, songon parluga na manghalungunhon parbinsar ni mataniari i.
.....Musik.....
- SilangMu Kristus tanda ni holongMu pahisar tondi na magopu i mangalononghon sasude dosangku mabaor tu laut asi ni rohaMi. Naung tubu hami gabe na imbaru na niurasan sian dosa i ala mudarMu na niusehonMu di Golgatha di hamamateMi.

28. PARSURUAN TU NGOLU SIGANUP ARI :

L : Nunga dipangkulingi Debata hita marhite hataNa. Porsea ma hita disi unang ganggu rohanta. Marhite hamamate ni Kristus naeng ma las rohanta jala mangulahon angka na denggan, ai nunga dibahen Jesus pardenggananta tu Debata. Asa tabahen ma Jesus gabe tiruan di pangoloion tu hata ni Debata, di holong ni roha na manghophop hita pardosa. Ala ni i auhon ma panghophopon ni Tuhan Jesus naung mate laho paluahon Ho.

S : (Mangendehon) BE. 392 : 1 "Sai Pasiat Tuhan Jesus"

Sai pasiat Tuhan Jesus tu bagasan rohami. Sai maimaima Jesus, bege panuktukNa i. Sai pasiat Tuhan Jesus, jangkon i tu rohami. Nunga tingki parasian, so tung jolo salpu i.

L : Antong, taauhon ma panghophoponNa i di bagasan rohanta be asa unang be hita madabu tu bagasan dosa alai hot ma hita jongjong so mubauba di ojahan na sintong i jala Silang ni Kristus i ma gabe tanda ni holong ni rohaNa. Marhite parangenta di sandok ragam ni ngolunta ma tapatuduhon i asa taruli portibi on dipasupasu na sian Ibana i.

H : *Tabahen ma Hata ni Debata ojahan ni ngolunta ro di saleleng ni lelengna*

L : Songon angka naung tinobus ni Tuhan Jesus Kristus tongtong ma hita mangolu di bagasan panobusionNa i marhitehite na mangolu hita di bagasan biar mida Debata. Tapelehon ma dagingta bahen pelean na mangolu na hinalomohon ni Debata marhitehite na manghaholongi Debata dohot manghaholongi donganjolma. Alani tapasolhot ma dirinta tu Ibana.

S : (mangendehon) BE. 412 : 1 "Ndi di dolok adui"

Ndi, di dolok adui silang ni Tuhan i, Sap mudar, sap tijur do i. Jesus mate disi, asa malum dibaen sude angka gondok roha i. Dibaen i, tung holong rohangki mida silang di Golgata i, Hupasolhot diringku tu si. Dompak surgo pardalananki.

31. Tangiang Pelean - Ale Amanami – Pasupasu – AMEN 3X

**SELAMAT MERAYAKAN IBADAH PASSION,
PRA PASKAH TU SUDE RUAS
NI HKBP BERINGIN INDAH
TUHAN YESUS MEMBERKATI KITA**

